

至順鎮江志卷十八

人材

京口江山為天下冠清淑之氣扶輿盤礴以鍾乎人者代不乏材典午南渡中原士大夫又多僑寓於此唐宋以來屹為重鎮皇元一統適當南北冠蓋之會是以上下千數百年名公鉅卿鴻儒碩彥項背相望或以節義勵俗或以政事裕民或以武略定亂或以文學垂範至於高蹈物表遠引方外亦皆清儁卓絕之士是其遺風逸塵霑被無極故雖閭閻細民亦或有以孝行自見魯無君子斯焉

至順鎮江志卷十八

一

取斯今列科舉仕進節義孝友隱逸方外各為一類仍以上著至元以後凡占籍於此者皆僑寓至以後凡有恆產於此者則書其無者則不書也別之然人材之多於今為盛訪求爵里未能什一姑以公牘中所報者著於篇俟有所得又將續書

科舉

土著

漢包咸

字子良曲阿人少為諸生受業長安習魯詩論語王莽末去歸鄉於東海界為赤眉所得咸晨

夜誦經自若賊異而遣之因住東海立精舍講授光武即位乃歸鄉里舉孝廉除郎中建武中入授皇太子論語又為其章句拜諫議大夫遷大鴻臚每進見錫以几杖人屏不趨贊事不名病篤顯宗親駕臨視年七十一

卒子福見  
仕進類

□□□ 缺

□□□ 缺

唐馬懷素 字惟日丹徒人調露二年進士第又應制舉  
中文學優贍科補郿尉累官至戶部侍郎封

常山縣公兼昭文館學士侍讀秘書監病卒元宗為之舉哀廢朝贈潤州刺史諡文

丁仙芝 曲阿人開元十二年進士第餘杭尉

蔡希寂 曲阿人開元十二年登進士第後官至御史

儲光羲 延陵人開元十四年進士第又詔中書試文章歷官監察御史

陶翰 潤州人開元十八年進士第禮部員外郎

談馱 曲阿人開元二十年登進士第

至順鎮江志 卷十八

申堂構 丹徒人開元二十二年進士第武進尉

蕭穎士 金壇人開元二十三年進士第

張暈 曲阿人開元二十三年進士第官校書郎

包佶 字幼貞集賢學士融子也延陵人天寶六年進士第累任鹽鐵使貞元二年以國子祭酒知禮部貢

舉後封丹陽郡公融見仕進類 何 字幼嗣佶弟天寶七年進士第起居舍人

皇甫冉 字茂政光祿敬德曾孫中散顓之子丹陽人天寶十五年進士第左拾遺轉右補闕奉使江表

因省家卒於丹陽敬德顓並見仕進類 曾 字孝常冉弟登天寶十二年進士第歷監察御史殿中侍

御史坐事貶舒州司馬陽翟令

劉太沖 居北固天寶十年進士第 太真 太沖弟天寶十五年進士第累歷臺閣自中書

舍人轉工部刑部侍郎蕭穎士送太真歸丹陽詩并序其中有云太真元昆前已甲科未始間歲嗣其聯舉注

太真兄太冲以去年登科見潤州類集

權璩字大圭德興子居丹陽練塘元和二年登進士第

憐其母病徙鄭州德輿見仕進類

許渾字用晦居京口丁卯橋外墅太和六年登進士第

史

顧非熊居茅山會昌五年進士第累佐使府歷盱眙簿父況見仕進類

王總有送總下第歸丹陽詩

南唐吳淑字正儀大理司直內史從李煜歸宋以近臣薦

試文學士院授大理評事累遷起居舍人有事類賦百

篇詔令注釋三十卷文集十卷說文義三卷江淮異人

錄三卷秘書閒談五卷宋師圍金陵城中乏食有與淑

同宗而死者惟二稚女在淑收養如所生及長而嫁之

至順鎮江志卷十八

三

時多其義父文見仕進類

宋邵飾字去華丹陽人大中祥符元年榜賜同學究出

改知巴州通州南劔州吉州壽州提點荆湖南路刑獄

浙西福建淮南運使遷江淮都大發運使再知潭州宣

州蘇州明州致仕卒年七十三飾之子勳生二子曰貌

曰遇貌二子景先景純純生彥遇六子三曰餘生亢亢

生堯鯤四日飾飾弟餗必必生

約史約史孫彪詳見耆舊傳

吳遵路字安道淑子大中祥符五年進士及第官至陝

重簡默立朝敢言母喪廬墓側蔬食終制與人交初若

平淡久而彌篤既歿家無餘資友人范仲淹分俸周之

子德仁見隱逸類

顧祥大中祥符五年登進士第

邵仲宣書節之從兄弟天聖五年登進士乙科終秘書校

舍人

邵景先 字伯綏天聖八年登進士甲

陳浚 景祐元年登進士第

邵必 字不疑寶元元年登進士乙科江甯府上元縣主簿累遷至寶文閣直學士權三司使加龍圖閣直

學士知成都卒於道邵伯溫聞見後錄云康節少時游京師與不疑初敘宗盟不疑年長康節以兄拜之蓋不

疑自河朔遷丹陽康節上世亦河朔人也又云宣和乙丑伯溫赴果州道出閬州有知閬中縣邵充美孺者相

應自稱同姓姪曰充之上世自潤州入蜀龍閣公先人叔父行也自此與美孺之中外皆論親丹陽河南成都

之邵其次第如此子約史見仕進類

張子方 丹徒人寶元元年登進士第歷知臨穎冠氏丹稜開封四縣及光化軍棣州建昌軍以太常少

卿奉祠卒子續見仕進類

至順鎮江志 卷十八

四

邵亢 字興宗再試開封府皆第一中茂才異等科授江甯府節度推官累官至樞密副使以資政殿學士

出知越州徙鄭州鄆州亳州薨卽鄉里賜居宅諡安簡初仁宗繼嗣未立亢言此繫社稷之安危不可不早定

因集漢以來帝系承襲之迹著與亡論十卷上之子璵鯤見仕進類

章嶙 登慶歷二年進士第甲科

張侗 字大方金壇人登慶歷二年進士第甲科終屯田郎中累贈中大夫號廉能吏

洪洞 慶歷二年登進士第

郭震 慶歷二年特奏名第一人

諸葛賡 字君俞丹陽人五舉於鄉皆第一慶歷二年榜學究出身官至撫州宜黃令以太子中舍人致

仕自謂熙真子年八十五熙甯十年卒

張奕 慶歷六年登進士第乙科

王存字正仲丹陽人慶歷六年進士第丙科歷嘉興簿右丞遷左丞出知蔡州揚州杭州以通議大夫致仕薨年七十九諡莊定天性寬厚儀狀偉然平居恂恂不為詭激之行至其所守確不可拔司馬光嘗曰並馳萬馬中能駐足者其王存乎

陳渙浚弟慶歷六年登進士第

譚覺慶歷六年登進士第

柳況丹陽人慶歷六年登進士第任陝西司戶參軍治官有善狀特改大理寺丞

蔡煜字晦叔丹陽人慶歷六年登進士第終通直郎秘書丞丹陽蔡氏後登仕版捧賢書者煜之裔居多云

張知章丹陽人慶歷六年學究及第授桂陽尉後為濠州司理參軍卒

豐有章字漢臣有孚弟皇祐元年登進士第終駕部員外郎

至順鎮江志卷十八 五

姚闢字子張金壇人皇祐元年登進士第時朝士尚詞章闢獨究心六經義有未安必求其是歷陳州項

城令後通判通州卒

顧方丹陽人皇祐五年登進士第丙科再調明州象山令始至召邑父老詢民間利病勉善戒惡建學以

教其子弟暇日親為講說踰年民大化服俄而方病邑人相率禱於塔廟者千人弗痊為鬻股肉者十三人方

竟不起百里內號泣思慕為之立祠

雷豫皇祐五年登進士第

邵衡嘉祐二年登進士第

姚震嘉祐六年登進士第

楊照嘉祐六年登進士第終承議郎慶成軍使累贈朝散大夫

周伯玉嘉祐六年登進士第

洪民師 嘉祐六年登進士第

姚存 嘉祐八年登進士第知□□縣

陳列 嘉祐八年登進士第

姚夢升 嘉祐八年同五經出身官至殿中丞

張行古 治平二年登進士第

邵鯤 熙甯六年登進士第丙科管當在京南排岸擢為司農寺丞累至顯謨閣待制知瀛州以名

在黨籍差知常州移蘇州卒

紀孫求 熙甯六年登進士第

顧林宗 熙甯六年登進士第

陳廓 熙甯九年登進士第歷句容簿長社令後除廣東轉運判官時同列多以獻羨

至順鎮江志 卷十八 六

財進用廓曰財民力也有羨當以還民可剝民以為己利乎奏罷徐揚所興錢監移廣東提刑復除廣西未行

三十卷元見隱逸類

蔡肇 元豐二年登進士第乙科歷明州司戶刪定官太學博士累遷至中書舍人顯謨閣待制知

明州為文援筆立成不加潤飾有丹陽集三十卷父淵見孝友類

陳度 元豐二年登進士第乙科終鴻臚寺丞諸王府記室

劉銳 元豐二年登進士第

顧章 元豐二年登進士第

葛思漸 元豐五年登進士第乙科

紀霖 元豐五年登進士第知河南鞏縣坐奉復士大昇輿道雨注不進免後雖起廢竟老

丞佐

蔣猷 字仲遠金壇人甫冠登元豐八年進士第乙科歷

徽猷閣直學士出知婺州明州再以刑部尚書召

尋遷兵部後避難明州卒贈特進子謨見仕進類

儲公桓 元豐八年登進士第丙科

張君胃 字世賢君奭弟元豐八年登進士第丙科終知河南府伊陽縣

詹輔 元豐八年登進士第丙科

張大忠 元祐三年登進士第

沈濟 元祐三年登進士第

高述 元祐三年登進士第

丁權 金壇人元祐三年登進士第授復州司理參軍有

州都曹改秩為兗州教授入為太學博士丐外除淮東

提舉學事河北提舉學事知汀州卒六世祖彥見仕進

至順鎮江志 卷十八 七

姚純孟 關從姪元祐六年登進士第知□□縣

周日康 元祐六年登進士第

蔣琳 元祐六年登進士第

房察 紹聖元年登進士第丙科

蔡居厚 紹聖元年登進士第丙科

路喬年 紹聖元年登進士第

吳中起 丹陽人紹聖元年登進士第

虞沉 紹聖元年登進士第

邵繪 彥子紹聖元年登進士第終奉議郎彥見隱逸類

陳城字伯成廓子元符三年登進士第知真州揚子縣

洪邁興祖從弟崇甯二年登進士第兄造政和八年亦登進士第見節義類

曹聞登進士第崇甯五年

紀敘霖子崇甯五年登進士第終郡倅

杜充崇甯五年登進士第

劉將崇甯五年登進士第

王資深敬弟與兄同榜乙科以羸疾不候臚唱而歸臥病積年卒

鄧翰大觀三年登進士第丙科

莊必彊字弱翁金壇人大觀三年初調蘭溪尉累官尙書兵部員外郎度支員外郎祠部郎中右司郎

中出知常州卒

至順鎮江志卷十八 八

王澂字彥輔金壇人大觀三年登進士第終通判歙州

紀交字志同大觀三年登進士第初名上交徽宗御筆去上字改字聖錫官至直敷文閣知楚州

葛處厚大觀三年登進士第

張恣字處文金壇人政和二年登進士第甲科五年再中博學宏詞科入踐學館終中書舍人

諸葛材賡會孫政和二年登進士第終左朝奉大夫通判泰州

李覺字天民丹徒人政和二年登進士第第亳州麻城縣令累贈朝散郎

邵驥政和二年登進士第

王汝霖政和二年登進士第

杭濟政和二年登進士第

譚知柔字勝仲金壇人政和二年登進士第授宣州大平丞泰州興化令以平黃岡盜劉賓王功改通

判邵州終秘書少監生平最喜爲詩尤工絕句有華陽居士集存

陳哲 政和二年登進士第

張綱 字彥政金壇人以舉首貢辟雍升太學試內舍上舍皆第一政和四年釋褐狀元授承事郎爲辟雍

正國子正辟雍博士官至權吏部尙書參知政事薨年八十四諡文簡有華陽集四十卷書解三十卷告猷集

三卷聞見錄五卷瀛州唱和集八卷綱篤行君子事親孝親歿追慕白首不衰祖母在堂再乞以妻恩回授屢

得郊恩皆以官其叔父及羣從姪母喪貸貧民穀千斛旣而焚券曰吾以代世俗緇黃之費

許暘 字升卿丹徒人政和二年貢士釋褐歷福州閩海尉知紹興蕭山縣入爲大理寺丞兼工部郎官權

大理寺卿時秦檜置大將岳飛於理必欲交致反狀暘不可出知南劍州卒

劉無極 字晞顏丹徒人政和五年登進士第丙科終尙書郎

張頡 字冲卿一字彊立丹徒人五魁鄉選貢太學升上舍政和五年登進士第官至朝議大夫兵部員外

至順鎮江志 卷十八 九

鄧有菊坡集子適適見仕進類

馮晉 政和五年登進士第

孫蓋 字道祖丹徒人政和五年登進士第歷知興化軍嚴州真州泰州除淮南運判兼提刑知信州薨年

八十一卽今大港孫氏也弟盞見隱逸類

張諤 字直甫君奭長子政和五年登進士第累官京畿轉運副使右文殿修撰知桂州徙居江東金陵其

孫猶有居金壇之酉于者

洪諲 丹陽人政和五年登進士第

洪遼 邁弟政和五年登進士第

蔣洵 政和五年登進士第

周端禮 政和八年登進士第丙科

洪興祖 字慶善丹陽人政和八年登進士第為陳州商水主簿試中教官為汾州教授累遷至江東提

刑知饒州真州時相秦檜怒其為程瑀論語解序議已

義昭州卒有春秋本旨二十卷周易義二十卷古易考

孝經序讚一卷聖賢眼目一卷論語說十卷左氏通解十卷

辨證年譜各一卷杜詩辨證年譜各一卷黃庭內外經

注二卷闕里譜裔一卷從父擬登紹聖元年進士第甲

科見孝友類

孫時升 判就加金壇縣改句容縣通判濠州告老年七

十四無疾而終嘗曰為親民官當事

事與民接若徒拱手清談冤者眾矣

湯鵬舉 字致遠金壇人由郡學貢京師試上舍第一政

和買絹十之六聽訟敏決一見姓名狀貌輒記不忘咸

以為神明御史劉大中上其政詔增秩知廣德軍饒州

江州常州陞本路轉運副使鎮江諸邑秋稅布豆折估

歲增命定其直自潤至杭往來苦征稅之煩鵬舉奏非

至順鎮江志 卷十八 十

州縣而征商者皆罷累遷至御史中丞知樞密院紹興

庚辰知貢舉一洗狗私之幣時號得人薨年七十八諡

肅敏

譚處恭 政和八年登進士第

李舜卿 覺之從姪政和八年登進士第終承議郎

周端虛 與端禮同年登第未詳為兄弟否也

劉丕 政和八年登進士第

丁雋 政和八年登進士第

李正邦 字進之覺子宣和二年貢士榜上等終朝請郎提舉泉南市舶

邵彪 字希文宣和三年登進士丙科歷崑山縣主簿登州教授國子監丞終知楚州

湯杲 宣和三年登進士第

鄧國賢 宣和三年登進士第丙科

杜友 宣和三年登進士第

陳元異 宣和六年登進士第丙科

陳克舉 宣和六年登進士第

章驥 宣和六年登進士第

蘇振 宣和六年登進士第

都絜 字聖與宣和六年登進士第歷知德慶府累遷左朝奉大夫入為尚書吏部郎中尋除大府少卿淮

西總領卒有周易說義又有周易體義十六卷父郁見仕進類

張絢 丹陽人宣和六年登進士第官至殿中侍御史

楊鎬 照子宣和六年登進士第奉議郎知常州晉陵縣卒

至順鎮江志 卷十八

洪元直 宣和六年登進士第

諸葛松 材弟宣和六年登進士第又中教官科終東平府教授

王揚英 字昭祖丹陽人宣和六年登進士第終直秘閣知眉州

張體純 宣和六年登進士第父恪見孝友類

王閻 存會姪孫建炎二年登進士第

陳叶 建炎三年登進士第

虞惟幾 紹興二年登進士第

許虞卿 字舜元燾姪紹興二年登進士第終朝散郎通判江州

顧時中 紹興二年登進士第

姚虞卿 關從姪孫夢升之後紹興五年登進士第

褚籍字彥文金壇人紹興五年登進士第歷池州青陽尉秀州崇德令改秩知青陽縣先是賦稅特重幾三倍鄰邑籍為縣言之詔以十分為率蠲二分半後或申其說遂再蠲之發端實自籍始縣人德之父庭堅登元祐六年進士第見隱逸類

洪館字子紹興五年登進士第

郭珣瑜紹興五年登進士第終揚州教授

陳璿度子紹興八年登進士第未改秩卒

豐淵字仲深漸弟紹興八年登進士第終知平江府吳縣今城中諸豐皆其裔也

巫孝立紹興八年登進士第

張扶字少持丹徒人博學有文為鄉先生年四十五始登紹興十二年進士第甲科終國子祭酒弟瑾同年登第見隱逸類

至順鎮江志 卷十八 十三

陳燾字伯茂亢曾孫紹興十二年登進士第終知全州事親篤孝奉兄姊甚謹調宗族鄉黨有恩蓋古君子云

范卣紹興十二年登進士第

王彥舉金壇人紹興十二年登進士第兄彥融見仕進類

施士衡紹興十二年登進士第

李巨源字元通金壇人唐宗室之裔紹興十二年登進士第終太平州司戶

陳璘字季文度姪紹興十二年登進士第通判池州卒

許必勝字希文虞鄉弟紹興十五年與晟同榜第三人終知無為軍巢縣今徐村諸許皆其裔也

吳交如字亨會中起會姪孫紹興十五年登進士第乙科為烏程尉再中法科入為大理評事遷寺丞

寺正除刑部郎中大理少卿再除大理卿明年圜空

璽書嘉獎焉性樂易重義而疎於財人稱為長者

袁字省試第二名紹興十五年登進士第正言直秘閣江東提刑

許晟字彥有燾弟紹興十五年登進士第終楚州寶應縣主簿

豐漸字仲升有孚孫紹興十五年登進士第終嘉州海陵主簿

鍾將之字仲山丹陽人紹興十八年登進士第調淮口尉歷盱眙泰州常州教授訓飭有方終通判滁

柳仲永紹興十八年登進士第

陳從古字希顏廓之孫紹興二十一年登進士第歷知衡饒信三州

張大允字德誠丹徒人紹興二十一年登進士第歷海門主簿江東安撫司幹辦公事泰州揚州教授

知建平縣揚州簽判兼宗丞好學篤行恬於勢利鄉人以善人君子稱之 處厚字希韋大與大允同榜歷嘉興尉全椒令揚州教授

終文林郎其子徙居儀真又徙太平州 至順鎮江志 卷十八 十三

湯修年字壽真喬年弟紹興二十四年登進士第終揚州教授

王維字唐傑澂姪紹興二十七年登進士第丙科終黃陂令

張樞年紹興二十七年登進士第

姚愈關會孫紹興二十七年登進士第終御史中丞徙居平江

崔耕字莘文丹徒人紹興三十一年登進士第再為郡教授改秩知江州德化縣卒於官無子

霍篋字和卿丹徒人隆興元年登進士第歷泰興簿揚州推官詔舉廉吏部使者以名聞改秩知嘉興縣

累遷至利州路提刑成都府路運判卒於官篋少脫場屋刻意於文尤長於詩有集

許蒼舒字子齊陽幼子隆興元年登進士第乾道五年又中博學宏詞科由廣德軍教授召試秘書省校書郎著作佐郎兼太常博士至

倉部郎卒官其子孫世居西于里 杜士英乾道二年登進士第

徐玠 乾道二年登進士第

諸葛淵 字振聲松子乾道二年登進士第終處州松陽令

李拱 字應辰巨源之族乾道五年登進士第淳熙十一年再中博學宏詞科歷常熟簿鄂州咸甯令臨安

丞卒於官其詞科試文該洽富贍後來所不及也

許開 乙科淳熙十年試教官科賜姪孫乾道八年登進士第

顧時大 字致堯時中弟乾道八年登進士第終池州貴池縣丞

周呂齡 乾道八年登進士第

湯邦彥 字朝美鵬舉孫乾道九年中博學宏詞科自負功名論議英發累官左司諫兼侍講孝宗嘗手

書賜之稱其以身許國志若金石協濟大計終始不移性樂施子平時周人之急惟力是視坐貶南歸自警乾

義井云

至順鎮江志 卷十八

十四

鍾宜之 字仲行將之弟淳熙二年登進士第終行在惠民和劑局

李紳 淳熙八年登進士第

諸葛浩 字廣聲材子淳熙八年登進士第終江東安撫司判官

鑑 字大智浩子與浩同年登

第終臨府錄事

陳琪 字德厚淳熙八年登進士第歷崇德尉真州司法湖州教授

葛師心 淳熙十一年登進士第

徐棡 淳熙十四年登進士第官至四轄

趙崇志 紹熙元年登進士第

王遇 彥舉姪孫萬全子紹熙四年登進士第萬全見仕進類

蔣經 猷之孫紹熙四年登進士第

許閔 開弟紹熙四年登進士第

趙時侃 字和仲慶元二年登進士第丙科官至右文殿修撰知太平州卒有容齋筆錄三桂筆錄碎盞

錄拙逸手編 共百三十卷

鍾穎 將之子慶元二年登進士第終建昌守

蘇漢 家先姪孫慶元二年登進士第仕至開州太守

王逢 字吉仲彥舉姪孫萬樞第二子遇弟慶元五年登進士第授溧水主簿甫三十而卒萬樞見仕進類

姚宜中 愈子慶元五年登進士第

王遂 字去非幼字穎叔西山真先生易之萬樞第三子嘉泰二年登進士第歷富陽主簿楚州教授知當

遷溧水山陰縣江閩盜起知邵武軍誅渠魁劉四官累遷監察御史右正言殿中侍御史直聲凜凜時號小元

祐差知遂甯府改制置四川又改知平江慶元太平泉溫甯國建甯入權工部尚書以龍圖直學士通奉大夫

至順鎮江志 卷十八 十五

致仕卒諡正肅遂與劉宰俱從黃直卿游其學蓋有所自

洪秉哲 字晦叔道孫嘉泰二年登進士第授歸安主簿再調監真州鹽倉端平初除架閣遷武學博士

出為嘉興通判丐祠除直寶章閣主管成都玉局觀丹陽自古未行鄉飲秉哲首為之卒年八十六

張煥文 嘉泰二年登進士第

曹煥 牒試本府貫嘉泰二年登進士第

高炎 嘉定元年登進士第

衛玠 嘉定元年登進士第

孫華仲 沂弟嘉定元年登進士第授吳縣主簿後為常熟丞以疾丐歸而卒

孫沂 蓋曾姪孫嘉定四年登進士第

丁宗魏 字景舒金壇人嘉定四年登進士第授蘭溪尉再調揚子縣令金人進攻儀真人情洶洶欲渡

江以避宗魏獨不肯去曰守禦之臣誠死封疆若敵至而先遁孰為守乎卒不聽累官至朝奉大夫知廣德軍卒

戴宗德 嘉定四年登進士第

何閔 嘉定四年武舉進士

張汝永 字端表金壇人嘉定七年登進士第終溧陽縣丞

趙若珪 字玉父時侃子嘉定七年登進士第終知安吉縣

趙若琪 時侃姪與珪同榜

錢績 嘉定十三年登進士第

陳景周 字仲思丹徒人嘉定十三年登進士第乙科終溧陽尉

葛文昌 師忠子嘉定十年六年登進士第

至順鎮江志 卷十八

李綸 紳弟寶慶二年登進士第

艾慶長 慶遠弟寶慶二年登進士第終衢州教授

劉桂高 紹定二年登進士第

茅彝 紹定五年登進士第仕至通判子湘見節義類從子廷瑞見隱逸類

竇忠斐 字國輔丹陽人紹定五年登進士第授龍游尉終浙運幹祖從周見隱逸類

丁大全 大全弟嘉熙二年登進士第官至丞相

潘大有 嘉熙二年登進士第

朱南杰 嘉熙二年登進士第

潘夢奇 嘉熙二年登進士第 文振 夢奇子景定三年登進士第

丁大全 金壇人端平二年登進士第

殷淳 字粹伯丹陽人端平二年登進士第終饒州教授

王良臣 寶祐四年登進士第

楊道濟 寶祐四年登進士第

曹良孫 寶祐四年登進士第

褚著 籍孫景定三年登進士第

陳勃 字毅甫金壇人寶祐元年登進士第初授吳縣尉歷知海陵縣監杭州和劑局院遷正議郎南宗正

簿有毅齋斐稿及雜說行世子表衮能世其業

譚龍光 淳祐元年登進士第

高嘉 淳祐元年登進士第

朱景炎 淳祐四年登進士第

至順鎮江志 卷十八

蘇龜明 淳祐四年登進士第

潘巋之 淳祐四年登進士第

王文端 淳祐四年登進士第

丁式中 淳祐四年登進士第

史崇文 金壇人淳祐七年登進士第終知定昌軍 崇芳 崇文弟咸淳四年登進士第

胡用存 淳祐七年登進士第再中教官科終吏部侍郎

艾洵 初名慶增後改今名慶長弟淳祐七年登進士第終知蕪湖縣子去病見仕進類

蔣宗偉 淳祐十年登進士第

許埜 咸淳十年登進士第

洪野 咸淳十年登進士第

諸葛夢宇 咸淳十年登進士第

胡傳心 咸淳十年登進士第

張君爽 字鳴道 侗子 從安定胡先生學 累薦不第 父欲以朝奉郎致仕

豐有孚 字實臣 丹徒人 學究 出身終虞部員外郎

丁明 字子公 權子 閉門讀書二十年 家事坐廢 手編書五十篇 兩舉於鄉 以特恩補官 老不可仕 奉祠家居 年八十卒 鄉里私謚曰博雅先生

李公旦 正邦從姪 以特科入官 其孫亦舉進士 承平時其家聚族 百口南渡 兵火離散 所居舊址 後為都統司眉壽酒庫

許燾 字元功 金壇人 遊上庠 值靖康之亂 還請浙漕舉紹興間 上書以優第補迪功郎 終朝散郎 濠州通判

至順鎮江志 卷十八 六

湯喬年 字壽隆 丹陽人 博學工文 慷慨自負 為大學前廊秦檜欲館致之 使學官諭意 喬年罵曰 是言和議者 吾方為天下讎 之甯能入其門乎 晚以特對策入等 授迪功郎 昭州之推官 不赴 老於家 從父東野見仕進類

顧奎 字應文 丹徒人 徙金壇 三舉禮部 一入太學 俱不第 乾道中以特恩授迪功郎 縣尉 卒 好學 篤行 後進師尊之 每郡博士 至必執弟子禮 迎致鄉校 以為領袖 鄉人稱為老顧先生

宋郭 字安民 四舉於鄉 晚以特科拜官 從蜀帥辟於興州 卒 學者多出其門

胡緝 字舜舉 一字熙績 丹陽人 舉於鄉 為府學正 豪於詩文 孫尚書覲嘗稱其有前輩不能到者

范克信 字允誠 甫冠 舉於鄉 慶元己未 特恩對策 授湘潭尉 終廣西經略幕官 與胡緝為忘年交

劉倬 字顯道 丹徒人 以書再魁鄉舉

姜謙光

字德明丹徒人再  
以賦魁領鄉薦

向公慶

字元卿丹徒人亦  
以詞賦再舉於鄉

陸坦之

字千里以累舉  
恩授蕪湖主簿

艾謙

字益之丹徒人再舉於鄉明敏過人孝友天至從  
游門人多取科第稱為澹軒先生有澹軒類稿二

十卷易學理窟一卷治古事類二十五  
卷古文叢珍五十卷父欽文見隱逸類

慶洪

慶遠

並謙子兄弟皆三與  
鄉舉俱就南廊云

翟起宗

字元振金城主簿本縣令卒  
以累舉恩授

諸葛埴

字子直金壇人以特奏名授安豐主簿江甯府  
糧料院卒居鄉倡義役息紛爭之端成輯睦之

風里人  
德之

洪江

字南紀丹陽人家貧力學嘗舉  
於鄉不第而卒諸老甚惜之

至順鎮江志

卷十八

十九

蔡逢

丹陽人免  
解進士

甘桂芳

嘗舉  
於鄉

孔定國

居丹徒兩領鄉薦推恩授修職郎為和州含山  
縣主簿士人謂宣聖後名其所居之地為孔巷

云

吳升

吳奕

並安道孫  
皆舉進士

元李質

字仲美金壇人巨源聞孫泰定四年登  
進士第授將仕郎紹興路諸暨州判官

以下  
缺

僑寓

晉王雅

字茂達東海郟人魏衛將軍肅之曾孫州檄主  
簿舉秀才除郎中出補永興令累遷至尚書散

騎常侍左僕射卒贈光祿大夫儀同三司子準之協之見仕進類東海僑治丹徒

宋劉延孫其先彭城人世居京口初為徐州主簿舉秀才為錢塘令累官至金紫光祿大夫領太子

詹事南徐州刺史尚書左僕射護軍將軍卒年五十二贈司徒給班劍二十人諡文穆父道產見仕進類

江淹字文通濟陽考城人舉南徐州秀才對策上第轉鎮軍參軍領南東海郡丞宋昇明初為尚書駕部

郎齊建元初為驃騎記室并典國史累遷至戶部尚書梁天監元年封臨沮縣開國伯改封醴陵侯卒諡憲

王延之字希季琅邪人舉南徐州秀才除中軍主簿記室轉秘書丞官至左僕射領竟陵王師轉特進

卒諡簡嘗為本州大中正

檀超字悅祖高平人居京口解褐州西曹舉秀才累官至國子博士兼左丞驍騎將軍掌史職卒官父道

彪見仕進類

祖沖之字文遠范陽道人解褐南徐州迎從事

至順鎮江志

卷十八

邱巨源蘭陵人舉孝廉宋明帝使參詔誥仕齊為尚書主客郎領軍司馬越騎校尉後除武昌太守不

樂乃以為餘杭令

齊蕭琛字彥瑜蘭陵人惠訓子舉南徐州秀才累遷司徒記室積官至侍中特進金紫光祿大夫卒諡

平普通中嘗領南徐州大中正父惠訓見仕進類介字茂鏡齊永元末釋褐

子舍人累官至少府卿散騎常侍都官尚書辭疾致仕就拜光祿大夫卒於家父惠蒨見仕進類洽

字宏稱齊永明中為國子生舉明經起家著作佐郎天監初為前軍主簿累遷至散騎常侍御史中丞司徒左

長史卒於官父惠基見前

劉璡字子敬惔六世孫世居京口宋太豫中為明帝挽郎舉秀才為征北主簿後拜中兵兼記室參大司

馬軍事射聲校尉卒官惔見仕進類

何遜字仲言承天會孫南徐州舉秀才終廬陵王記室承天見仕進類

徐勉字修仁東海郟人孝嗣之族射策舉高第補西陽王國侍郎遷太學博士仕至特進右光祿大夫卒

贈開府儀同三司諡簡肅孝嗣見仕進類

王智深字雲才琅邪臨沂人解褐為州祭酒

何遠字義方東海郟人釋褐江夏王國侍郎仕梁為步兵校尉歷武昌宣城東陽三郡太守所至皆生為

立祠其清公為天下第一每戲語人曰卿能得我一妄語則謝卿以一縑眾共伺之不能記也

王琳字孝璋琅邪人舉南徐州秀才為征虜法曹累官至明威將軍東陽太守召為司徒左長史

王規字威明琅邪人舉南徐州秀才起家校書郎天監十二年獻太極殿賦拜秘書丞累官至左民尚書

領右軍將軍散騎常侍卒贈光祿大夫諡章

蕭愷南蘭陵人舉南徐州秀才對策高第起家秘書郎累遷至御史中丞侍中

劉毅字仲寶惔七世孫射策高第為甯海令累遷至吏部尚書國子祭酒惔見仕進類

至順鎮江志 卷十八 三

梁徐伯陽字隱忍東海人試策高第梁侯官令陳新安王府諮議參軍事

蕭引字叔休蘭陵人介子釋褐著作佐郎累官至吏部侍郎中庶子子德言見仕進類

蕭濟字孝康蘭陵人梁解褐秘書郎以功封松陽縣侯仕陳為祠部尚書給事中

徐份解褐秘書郎官至太子儀份弟舉高第為秘書郎遷尚書殿中郎兼

東宮學士陳亡入隋煬帝召為學士除著作郎卒

唐李紳字公垂世宦南方客潤州元和元年進士及第補國子助教官至尚書右僕射門下侍郎上柱

國趙國公卒贈太尉諡文肅

宋刁涓大中祥符元年登進士第甲科

刁繹天聖二年登進士第丙科授太常約繹弟字景博士通判揚州卒父湛見孝友類

年登進士第乙科歷諸王宮教授嘉祐初假太常少卿直史館使契丹還判度支出為兩浙轉運使歷守揚州

宣州湖州熙甯初判太常寺卒年逾八十

陳汝頤字公武泉之晉江人徙居丹徒寶元元年登進士第丙科為遂安令後知海州歲飢不俟報發廩賑民為監司所奏汝頤請以身坐毋令及僚屬朝廷嘉之置不問母憂去官歎曰仕本為養養不及矣何以仕為遂終身不仕

葛良嗣字興祖其先家處州之麗水父度支郎中源徙鄞死葬丹徒故為丹徒人皇祐五年登進士第終許州長社縣主簿王安石銘其墓子縈見仕進類

才壽登進士第丙科縈登進士第丙科

陳龍輔字寶臣汝頤子嘉祐二年登進士第為濟州司法後知建昌軍秩滿遂不仕集古今忠臣孝子

凡修身治人可為法者總三十卷號曰傳家至寶以遺子孫

路復貫開封居潤州治平四年登進士第

至順鎮江志 卷十八 三

翟思州字子久貫開封居丹陽熙甯三年登進士第自洪州教授除太學博士召為御史起居郎知越州應天府父從見仕進類

陳孝友字恪仲龍輔子政和二年登進士第終奉議郎

陳孝恭字溫仲孝友弟十四入郡學十八貢太學有盛名宣和三年登進士第為膠水主簿累官至國子監丞知岳州

陳孝威字德仲孝恭弟紹興二年登進士第終選調

史正志字志道居丹陽賦籍揚州之江都紹興二十一年登進士第歷歙縣尉累遷至吏刑兵部侍郎知建康靜江甯國贛州廬州朝議大夫文安縣男居官奏疏甚多議論精確切中事機奉祠家居號樂閑居士柳溪釣翁藏書至數萬卷

周孚字信道乾道二年登進士第世濟北將家避亂南徙丹徒七歲通春秋左氏傳既長喜讀書過目輒

成誦時有鄧氏張書肆字日往游焉因得盡閱天下書終真州教授有蠹齋集三十卷

趙善擇字守道禹州錄事參軍三歲晝夜寢處獄庭未嘗歸私室非休沐不出謁竟以是得疾卒善擇自少莊重

端慤不妄言笑執親喪所居聖室足不履閭闕妻疾立戶外使人問狀而已燕居左右圖史司馬程張氏之

書不去手以劉向列女傳等書日使妹與其妻諷誦

邱岳字山甫其先海州胸山人祖琚父伯松靖康末淪

進士第調安慶太湖尉累官至工部尚書沿江制置司兼知建康府

章琰字子美寶慶二年登進士第授溧陽尉歷太府少卿殿中侍御史累遷至右文殿修撰諫疏詩文稿

藏於家父堊琮琰弟三見隱逸類舉於鄉

田文虎字炳叔儀真人居京口寶慶二年登進士第仕至樞密院檢詳出知常州居官極廉介自奉苦

淡妻子唯衣布素死之日家無餘貲

至順鎮江志 卷十八

三

石介字正甫洛水人居鎮江寶祐四年登進士第仕至通判鎮巢軍子巖字民瞻好古博雅尤工詩詞

俞希旦其先歛人居丹徒嘉祐六年登進士第終朝議大夫上柱國知澶州姪康直子向並見仕進類

王巳字君文陝西西和州人淳祐元年登進士第由淮東制置機宜除京官時相丁大全忌之乃棄官返

京口居杜門不出者十年大全罷復為樞密院編修以招撫討平衢州洞酋就領州事遷兵部員外郎淮西總

領言足兵裕民貢舉數事皆當時急務累遷右司郎中卒子朝孫見隱逸類實見仕進類

孫應鳳口口人居鎮江淳祐四年登進士第乙科官至將作監簿知江陰軍卒子規見仕進類

附鳳應鳳弟淳祐十年登進士第甲科官至端明學士參知政事兼知樞密院事太子賓客子矩孫煜並

見仕進類

莫崙字子山揚州江都縣人居丹徒咸淳四年登進士第

王應嘉字東叔與化莆田人居丹徒咸淳四年登進士第

袁秀發 字彥實泰州人居京口咸淳七年登進士第授光州固始縣主簿汀州錄事參軍終文思院架

閣子架見仕進類

陳應岬 升之從元孫三舉於鄉升之見仕進類

龔基先 字平叔高郵人父炳徙京口後贈大中大夫基先入太學登進士第調宿松尉廬江令淮東安

撫司幹官出入行陳間以功特改官知淮安縣兼通判歷知和州滁州累遷監察御史大理少卿出為廣西總

餉改淮東未行改知池州歷常德甯國府岳鄂廬福等州除樞密副都承旨太府卿尋除太常卒平生愛惜士

類倡義率諸鄉達創淮海書院以處淮士之流離者

劉謙終 字恭叔金壇人漫塘先生同祖弟也以春秋五上禮部嘉定六年以累舉恩對策廷唱一等第

七人授迪功郎建平尉再調江陰司法非其所樂歸不復仕改宣議郎卒諸生私謚恭靖

至順鎮江志 卷十八 三

至順鎮江志卷十八終 丹徒陳裕菁南屏校字